

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2769 del 07/10/2021

Traduzione in cimbri

Vüchtzekh djar von zboate Statùtt vo Autonomì, an bāndo vor di djungen trentinar kunstlar

An öffentlesche bāndo zo schupfa zo haba an schütz pitt gèlt vor di djungen trentinar kunstlar un kunst organisatziongen boda soin augelekk daz mearaste vo trentinar kunstlar odar boda hām soin setz in Trentino, ditza zo macha kulturāl prodjèkte übar in tèma von vüchtzekh djar von zboate Statùtt vo Autonomì: da provintziāl Djunta hattz āgenump, in sitz von vraita in earst von bimmat, vürgelekk von asesór vor di schual, di universitét un di kultür, legante untar 140 tausankh euro vor intziatìvan boda āgian tetatro, musik, tāntz, cinema, video un āndre kunst.

'Z iz dar earst bāndo boda ānimp in artìkl 28 bis von provintziāl gesetz übar di kulturāl arbatn un boda āgeat garade in sèlln prodjèkte übar in vüchtzekh djar sidar azta iz khent āgenump dar zboate Statùtt vo Autonomì, a bāndo boma gloabet azzar mage khemmen bidar augelekk vorz djar 2022 o. Dar vèrt vo disarn gelānghait iz ke ma haltet di naüing djeneratziongen nèt lai azpe nützar ma azpe sèlbart vürlegar vo kulturāl prodjèkte, disan stroach pitt initsiatìvan boda mang machan khennen di stòrdja vodar trentinar kamòuschaft un daz earst vo allz vodar Autonomì. Di vorsch zo haba in schütz mang khemmen ingètt vor atz 31 bimmat 2021 in Dianst vor di kulturāl arbatn.

Haltante kunt von vil kulturāl sachandarn boda khemmen vürgelekk von bāndo, zo schètza di kunst prodjèkte izta khent augelekk a khnopf boda bart arbatn āna z' soina gezalt un iz gemacht von diridjént von Dianst vor di kulturāl arbatn vodar autonome Provìntz vo Tria Claudio Martinelli, von dirèktor von Kulturāl Dianst Zentrum S. Chiara Francesco Nardelli, von funtzionär von Museo Modèrn Kunst Gabriele Lorenzoni, dar zuarhaltar vodar Trentino Film Comission Luca Ferrario, di vortretar vodar Stiftung Museo Storico Sara Zanatta un vor in Komitätt vor di vüchtzekh djar von zboate Statùtt vo Autonomì Elisa Bertò.

Übarsetzt von Schaltarle vor di zung von Toalkamou vodar Zimbar Hoachebene

(Traduzione a cura dello Sportello linguistico della Magnifica Comunità degli Altipiani Cimbri)

(cdt)